

**Պատմության օլիմպիադայի մարզային փուլ (2025-2026 ուստարի)
10-րդ դասարան (տևողությունը՝ 120 րոպե)**

Ընտրովի պատասխանով հարցեր (յուրաքանչյուր ճիշտ պատասխան 0,5 միավոր), ճիշտ պատասխանը վերցրե՛ք օղակի մեջ

1. Ե՞րբ է Հայաստանի Հանրապետության Գերագույն խորհուրդը ընդունել Հայաստանը անկախ պետություն հռչակելու մասին որոշումը:
 - 1) 1990 թ. օգոստոսի 23-ին
 - 2) 1991 թ. սեպտեմբերի 23-ին
 - 3) 1991 թ. սեպտեմբերի 21-ին
 - 4) 1990 թ. օգոստոսի 21-ին
2. Վանի թագավորության ո՞ր արքայի գործունեության մասին է պատմվում «Խորիխոռյան տարեգրության» մեջ:
 - 1) Արգիշտի I-ի
 - 2) Սարգուրի II-ի
 - 3) Մենուայի
 - 4) Իշպուինիի
3. Ո՞ր բնակավայրը ազատագրվեց 1992 թ. մայիսի 8–9-ին «Հարսանիք լեռներում» ռազմագործողության արդյունքում:
 - 1) Մարտակերտը
 - 2) Շուշին
 - 3) Կրկժանը
 - 4) Բերձորը
4. Որքա՞ն էր կազմում Տիգրան Մեծի ստեղծած հայկական աշխարհակալ տերության ընդհանուր տարածքը (ներառյալ ենթակա երկրները) իր հզորության գագաթնակետին:
 - 1) 500.000 քառ. կմ
 - 2) 4 մլն քառ. կմ
 - 3) 300.000 քառ. կմ
 - 4) 3 մլն քառ. կմ
5. Ո՞ր պաշտոնյան էր գլխավորում Արշակունյաց արքունի պահակազորը և հոգում թագավորի անվտանգությունը:
 - 1) Մարաջախտը
 - 2) Մաղխազը
 - 3) Մարդպետը
 - 4) Սենեկապետը
6. Ո՞ր թվականին է հիմնադրվել Էջմիածնի Գևորգյան ճեմարանը:
 - 1) 1824 թ.
 - 2) 1871 թ.
 - 3) 1874 թ.
 - 4) 1881 թ.
7. Ո՞վ էր հայոց գորբերի հրամանատարը Օշականի Ցլու գլուխ բլրի մոտ տեղի ունեցած ճակատամարտում:
 - 1) Մուշեղ Մամիկոնյանը
 - 2) Վասակ Մամիկոնյանը
 - 3) Վասակ Մամիկոնյանը
 - 4) Մանվել Մամիկոնյանը
8. Ե՞րբ է Հռոմը միացել Իտալիային և հռչակվել մայրաքաղաք:
 - 1) 1851 թ.
 - 2) 1861 թ.
 - 3) 1871 թ.
 - 4) 1877 թ.
9. Ո՞վ է «Չմիացած երկրների շարժում» կազմակերպության հիմնադիրներից:
 - 1) Մահաթմա Գանդին
 - 2) Ջավահարլալ Ներուն
 - 3) Ջավահարլալ Ներուն
 - 4) Մաո Յզեդուն
10. Ո՞ր տարածքն է միացվել Գերմանիային Մյունխենյան գործարքի արդյունքում:
 - 1) Լոթարինգիան
 - 2) Սուդեթը
 - 3) Լյուքսեմբուրգը
 - 4) Գդանսկը

Կարճ պատասխանով առաջադրանքներ

11. Ընտրե՛ք ճիշտ պնդումները (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա) Պարթևները Բակուր Արշակունու Հայոց գահին բարձրանալը համարել են Հռանդեայի պայմանագրի խախտում և գահընկեց են արել նրան:
- բ) Բուն Հայոց տոմարի սկիզբ է համարվում Ք. ա. 2492 թ. օգոստոսի 11-ը, երբ Նոյ նահապետը իր ընտանիքով հանգրվանեց Արարատ լեռան վրա:
- գ) Ք. ա. 36 թ. Արևելք ժամանած Մարկոս Անտոնիոսը իր տրամադրության տակ եղած 100-հազարանոց բանակը և ողջ տեխնիկան կենտրոնացրել է Կարին գավառում:
- դ) Ք. ա. 66 թ. Արտաշատի պայմանագրի հետևանքով Պարթևստանին է միացել Հյուսիսային Միջագետքը:
- ե) Գահակալման վերջին տարիներին Տիգրան III-ը ձերբագատվել է Հռոմի վերահսկողությունից և հատել է պահլավերեն մակագրությամբ դրաժներ:
- զ) Պարթևստանում ապաստանած թագաժառանգ Արտաշեսը ամուսնացել է Հրահատ IV-ի դստեր հետ և ստացել ռազմական օգնություն նրանից:
- է) Արգիշտի I-ի կողմից Բաբելոնիայի վերանվաճման հետևանքով հայոց աշխարհակալության հարավային սահմանները հասան Միջերկրական ծովի արևելյան ավազանին:

--	--	--

12. Տեքստի սկզբի տրված բացատրություններից որո՞նք են սխալ (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա) Հռոմում հոգևոր գործառնություններ իրականացնող քրմապետն անվանվում էր մեծ պոնտիֆիկոս:
- բ) Արշակունյաց արքունի կալվածքների ու գանձարանի ղեկավարությունն իրականացնող գործակալն անվանվում էր հազարապետ:
- գ) Հին Հռոմում ազնվականների՝ ավագների ժողովը կամ խորհուրդն անվանվում էր գերուսիա:
- դ) Հայաստանի վաղմիջնադարյան առևտրական ճանապարհների մասին տեղեկություններ պարունակող Կաստորիոսի կազմած քարտեզ-ուղեցույցն անվանվում է Պետինգերյան:
- ե) Արտաշես I-ի կողմից համայնքային և մասնավոր (ազարակներ) հողատարածքների միջև տեղադրված քարե կոթողները կոչվում են հողաբաժան սահմանաքարեր:
- զ) Հին Հունաստանի պատմության Ք. ա. XII-IX դդ. ընդգրկող ժամանակաշրջանն անվանվում է Դասական կամ ոսկե դարաշրջան:
- է) Հին հույները, ապա հռոմեացիները իրենց երկրներից դուրս ապրող այլ ժողովուրդներին անվանում էին բարբարոս:

--	--	--

13. Ընտրե՛ք Պապ թագավորի քաղաքական ձեռնարկումների պատճառներն ու հետևանքները (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա) Եկեղեցական հողերի մեծ մասի առգրավում հոգուտ պետության՝ թագավորության տնտեսական ուժը վերականգնելու նպատակով:
- բ) Հռոմեական կայսրության հետ համաձայնությամբ սահմանային նահանգների կառավարման հանձնում հռոմեացիներին՝ դաշնակցային հարաբերությունները ամրապնդելու նպատակով:
- գ) Մենաստանների զգալի մասի փակում, կույսերին ամուսնանալու թույլտվություն՝ բնակչության կորստի վերականգման և ծնելիության բարձրացման նպատակով:
- դ) Հոգևորականների ընտանիքների համար հատուկ արտոնությունների սահմանում՝ աշխարհիկ գործերում հոգևոր խավի ներգրավվածությունը նվազեցնելու նպատակով:
- ե) Հայոց Եկեղեցու անկախացմանն ուղղված գործունեություն՝ օտար ուժերին Հայաստանի ներքին գործերին միջամտելու հնարավորությունը արգելափակելու նպատակով:
- զ) Նախարարների դիրքերի թուլացմանը միտված քաղաքականություն՝ նրանց հարկային բեռը մեծացնելու և պետական վերահսկողությունը ուժեղացնելու միջոցով:
- է) Եկեղեցական հողերի բռնագրավումից հրաժարում և միայն հոգևորականների թվի կրճատում՝ եկեղեցու հետ բաց հակամարտությունից խուսափելու և երկրի ներքին կայունությունը պահպանելու նպատակով:

--	--	--

Վերլուծական հարցեր

14. Լրացնե՛լ բացթողնված հատվածները (յուրաքանչյուրը 0,5 միավոր, ընդհանուր՝ 2,5 միավոր):

Հայ-հռոմեական պատերազմի ընթացքում հռոմեական զորքերը անսպասելի ներխուժեցին Հայաստան և շարժվեցին դեպի Տիգրանակերտ: Տիգրանակերտի կայազորը (1) ----- (ն^օւմ) հրամանատարությամբ հմտորեն պաշտպանելով քաղաքը, հետ է շարտում հռոմեական զրոհները: Տիգրան Մեծը թշնամու առաջխաղացումը կասեցնելու նպատակով ուղարկում է ընդամենը 3 հազարանոց հեծելազոր՝ (2) ----- (ն^օւմ) գլխավորությամբ, որն անհավասար մարտի պայմաններում պարտվում է: Վճռական ճակատամարտը տեղի ունեցավ (3) ----- (ե՛րբ): Փոքրասիական ծագումով, առավել չեզոք պատմիչների հաղորդումների համաձայն՝ հայոց զորքի թիվը կազմում էր (4) ----- (ինչքա՞ն) զինվոր, սակայն հռոմեացի զորավար (5) ----- (ն^օվ) կարողացավ հաղթանակ տանել՝ օգտվելով նաև քաղաքում եղած օտարազգիների դավաճանությունից:

15. Համապատասխանեցրե՛ք Արշակունի արքաներին նրանց ձեռնարկութների հետ:
(Յուրաքանչյուր ճիշտ պատասխան՝ 0,3 միավոր, ընդհանուր՝ 1,5 միավոր)

Արքա	Քաղաքական/Դիվանագիտական ձեռնարկում
1. Տիրան	ա. Կարգավորեց հարաբերությունները Հռոմի հետ՝ ստանալով գումար հայոց այրուձիի համար, որն իրականացնում էր Կովկասյան լեռնանցքների պաշտպանությունը լեռնական ցեղերից:
2. Վաղարշ II	բ. Միջամտեց Հռոմում ծավալված գահակալական պայքարին՝ օգնական զորք ուղարկելով Կոստանդինոս կայսրին, ինչն առաջացրեց պարսից արքայի զայրույթը և հանգեցրեց արշավանքի:
3. Խոսրով III Կոտակ	գ. Պարսպապատեց Վարդգեսավան բնակավայրը, վերանվանեց այն իր անունով և արքունիքը տեղափոխեց այդ նոր մայրաքաղաք:
4. Խոսրով I	դ. Մահապատժի ենթարկեց դավաճան նախարարներին, որոնք պարսկական ներխուժման ժամանակ անցել էին թշնամու կողմը:
5. Տրդատ II	ե. Ի նշանավորումն հայ-հռոմեական դաշինքի վերականգնման՝ կայսրը նրան վերադարձրեց կապադովկիական կալվածքները:
	զ. Խաբեությամբ՝ ընտանիքի հետ միասին հրավիրվեց Անտիոք և ձերբակալվեց Հռոմի կայսրի կողմից, որը ծրագրում էր Հայաստանը դարձնել հռոմեական պրովինցիա:

1	2	3	4	5

16. Ճանաչի՛ր նկարը և ներկայացրո՛ւ իրադարձությունը (2,5 միավոր):



- 1) Ո՞ր իրադարձությանն է նվիրված նկարը: Ինչո՞ւ գումարվեց այն:
- 2) Ե՞րբ և ո՞ւմ կողմից է հրավիրվել այն:
- 3) Ի՞նչ որոշումներ են կայացվել (նշեք 2-ը):

17. Նշե՛ք Ա. Մակեդոնացու արշավանքների և հելլենիստական քաղաքակրթության 2 դրական և 2 բացասական կողմ (յուրաքանչյուրը 0,25 միավոր, ընդհանուր՝ 1 միավոր):

Դրական կողմեր	Բացասական կողմեր
1.	1.
2.	2.

18. Աշխատանք սկզբնաղբյուրի հետ. կարդացե՛ք և պատասխանե՛ք ենթահարցերին.

Աղբյուր 1. «....Բացի այդ պայմանագրում արվեց շատ ավելի ծանր ուխտագանգ մի հավելում, ըստ որի, այդ համաձայնությունից հետո, այլևս օգնություն չպիտի տրվեր մեր մշտական և հավատարիմ բարեկամ Արշակին ընդդեմ պարսիկների, եթե անգամ նա այդ մեզանից խնդրելու լիներ: Սրանում կրկնակի դիտավորություն կար. նախ պատժել այն մարդուն, որը կայսեր հանձնարարությամբ ավերել է Հիլիոկոմը և ապա սպասել հարմար ժամանակի՝ առանց դժվարության հարձակվելու Հայաստանի վրա:

Եվ դրա հետևանքով էր, որ հետագայում երկպառակությունների և խռովությունների ժամանակ, այս Արշակը կենդանի գերի վերցվեց պարսիկների կողմից, և իսկեց Հայաստանից ընդարձակ մի երկրամաս, որը սահմանակից էր Մեդիային»:

Աղբյուր 2. «...Եթե կարողանաս հաղթել նրանց և պարտադրես ծառայելու, ես նրանց թիկունքը չեմ պաշտպանի»:

1. Ո՞ր իրադարձությունն են ներկայացնում աղբյուրները, ո՞ր թվականին է կնքվել պայմանագիրը, ի՞նչ անվանում է այն ստացել (1 միավոր):

2. Հայաստանի դեմ գործելու ի՞նչ հնարավորություն էր ստանում Պարսկաստանը և իչպե՞ս օգտվեց այդ հնարավորությունից (նշե՛ք 2 գործողություն) (1 միավոր):

3. Ինչպե՞ս է գերեվարվում Արշակ II-ը և ի՞նչ վախճան է ունենում (1 միավոր):

Պատմության օլիպիադայի

Հանրապետական հանձնաժողովի նախագահ՝

պ.գ.թ. Գևորգ Կեսոյան

02.02.2026 թ.